

Locutio Dei Ad Cor Religiosi

Pawłowski, Daniel Leodii, 1701

Primo Die Exercitiorum.

Nutzungsbedingungen

urn:nbn:de:hbz:466:1-59541



DIES PRIMA

Sanctissimæ Trinitati consecranda.

Oratio Jaculatoria (Tesseram aliqui vocant) hac die identidem repetenda erithæc:

Domine, noverim Te, noverim me! Ex S. Aug. Lib. 2. Soliloq. c. I.

MEDITATIO I.

Præliminaris,

Ad excitandum animum ferventer & exactè vacandi DEO & rebus Divinis in his Spiritualibus Exercitiis.

Præscribit hoc S. P. N. IGNATIUS in lib. Exercit. Annotatione quintâ

Diei primæ primæ Hebdomadæ, ubi ita loquitur: Mirum in modum juvatur, qui suscipit exercitia, si magno animo atque liberali accedens, totum studium & arbitrium suum offerat suo Creatori, &c.



Ræmittitur Oratio PRA-PARATORIA, ut cam vocat S. P. N. per quam petitur à Domino Deo gratia, ut vires atque operationes no-

stræ omnes fincere ad ejus gloriam & cultum tendant. Pro exemplo servire potest hæc aut similis Oratio: Dignissime Deus, qui mihi hanc horam laudandi te concefsisti, da mihi gratiam tuam efficacem, ut omnes actiones & passiones mea, & prasertim has Meditatio, cum omnibus omnium mearum potentiarum functionibus, ad gloriam tuam ce. dat: que ego omnia Tibi offero ex amore Tui, quia summum Bonum es, & quia dignus es, ut sis id, quod es.

PRÆLUDIUM I. Vivå fide apprehende præsentiam DEI, te totumque Universum implentis & penetrantis, vicissimque apprehende, te in illo vive-

re, moveri, & esse.

PRÆLUDIUM II. Pete à Deo tibi præsente gratiam, fructuosè & ad gustum beneplaciti ejus, peragendi hæc Exerciria Spiritualia.

Meditatio prima. PUNCTUM I. Audi DEUM dicentem, Prov. 1. Audi Fili mi, disciplinam Patris tui, & ne dimittas legem Matris tua, ut addatur gratia capiti tuo. Hæc audiens considera, S. Ignatium Patrem tuum hæc exercitia divinitus accepisse, & per illa focios fub vexillum Christi collegisse; Matrem quoque tuam, Societatem TESU, de his Exercitiis annuatim peragendis legem tulisse: ex illis enim est nata, per ea adolevit, & hucufque conservatur, conservabiturque: qui illa negligit, vitam hujus Religionis negligir, & ordinarie non perseverat, multo minus quiete vivit; siquidem iisdem principiis res conservantur, in quiete persistunt, quibus primò fiunt, & con-Aituuntur. Ex his infer, quo animo hæc Exercitia aggredi debeas. Dic igitur ad S. P. Ignatium: Pater mi Sancte, nolo esse degener Filius tuus: Sancta Mater mea Societas, volo in his Exercitiis quam exactissimus effe.

II. Audi Christum Dominum dicentem Matth. 12. Viri Ninivita surgent in judicio cum generatione ista, & condemnabunt eam. Simile quiddam & tibi continget, si exercitia hæc sine fructu animæ tuæ peregeris; surgent enim in judicio externí homines, & confundent te, quia ex illis optimos fructus retulerunt: multò autem magis confundent te Fratres tui, qui per hæc exercitia in magnos San-

A 4

ctos evaserunt. Si alicui animæ è Purgatorio, aut alicui Sancto è cœlis ad
hanc vitam regredi, & eadem Exercitia peragere concederetur, quàm exactè
ea peragerent: Immò si tibi ipsi post
mortem idem concederetur, ò quomodò perageres? quod igitur post mortem
faceres redivivus, id fac vivus: meditareris tunc accuratè, faceres proposita
resolutè, &c. hæc igitur modò fac.

Paulum. 2. Cor. 6. Ecce nunc tempus acceptabile, ecce nunc dies sa'utis. Nescis, an non
hæc ultima jam sunt exercitia; an ad
alia supervives; an non ultimum jam
sit salutis tuæ medium, ad quod alligatæ sunt gratiæ essicaces, & gratia sinalis, sine qua non salvaberis. Cum igitur
id nescias, inser, ita tibi procedendum
esse in his exercitiis, tanquam ultima
sint: in dubiis enim circa salutem tutior
est pars eligenda. Id ergo in iis sac, quod
faceres, si ultima essent.

COLLOQUIUM: O æterna Sapientia, Fili Dei, ô quâm solers es circa
salutem nostram! Ago tibi gratias pro
tam singulari per Exercitia Spiritualia,
S. Patri nostro instillata, ad salutem &
pertectionem medio: pudet Domine,
hactenus illo negligenter usum esse: saltem nunc, te adjuvante, peragere illa
conabor, juxta placitum tuum, & debitum mcum. Fiet hoc Domine, si Tu

Meditatio prima.

benedixeris mihi, per intercessionem pretiosissima Parentis Tua, S. Ignatii, & aliorum SS, Patronorum meorum.

Post hac I. delige Sanctum aliquem Patronum Exercitiorum. 2. Fac intentionem obtinenda Indulgentia per hac exercitia. 3. Fac particularia proposita cavendorum, & faciendorum in Exercitiis. 4. Ordina mortisicationes internas, & externas, &c. In fine, Pater, Ave, & Anima Christi, &c.

1950 4550 1950 1950 1950 1950 1950 1950

DOCTRINA PRACTICA

Tempore Matutino Diei primæ relegenda.

De perfecta intentione, actionibus nostris prasigenda.

Docent graves Theologi, inter quos Suarez & Vasquez tom. 3. in 3. part. disp. 13. sect. 31. & alibi, ad hoc, ut opera nostra sint meritoria, requiri intentionem saltem virtualem, seu ut quis operetur ex vi intentionis præteritæ, quæ moraliter insluat, & causet actionem de præsenti: sic omnes actiones Religiosi per totam diem erunt meritoriæ, si manè Intentionem actualem pro tota die secerit: hæc enim intentio imprimet animæ assectum, ex

quo omnes totius diei actiones sequentur & sluent, dummodo Intentio Matutina per aliam contrariam non retra-

ctetur aut interrumpatur.

IO

2. Plus dicunt alii, dum asserunt, Intentionem istam ad omnes nostras actiones esse de Præcepto Charitatis: atque ita docet S. Thom. 2. 2. q. 69. a. 1. dumilla verba Apostoli 1. Cor. 19. Sive manducatis, sive bibitis, sive aliud quid facitis, omnia in gleriam Dei facite, censet esse præceptiva; explicat autem mentem suam, dum in QQ. disput. de Charit. ait: Virtualiter referre omnia in Deum, cadit sub pracepto Charitatis: quia, ut addit 1. 2. q. 100. a. 10 præceptum est, diligendi Deum ex toto corde, ad quod pertinet, virtualiter referre omnia in Deum, sic saltem ad minimum, ut si quæreretur ex homine, Facisne hoc opus propter Deum? visne hoc opere laudare Deum? dispositus sit ad respondendum prompte, facio, volos

3. Certum est, Religiosum, sicut ex vi starus sui tenetur proficere in via Dei, ita teneri ad istam Intentionem; Intentio enim ista est motus in Deum, atque ideo est initium viæ Dei. Hinc accurati servi Dei singulis actionibus: præsertim notabilioribus, actualem intentionem præsigunt, aliquot saltem verbis, e. g. propter te Deus! atque ad hanc accurationem urget nos Regula.

17. Summarii, in qua jubemur omnes, rectamintentionem habere circa resomnes particulares. Excelluit in hoc P. Nicolaus Lancicius, famâ Sanctitatis clarus, qui dono DEI eò devenerat, ut fingulos passus, dum intercederet, & singulas litteras, dum scriberet, actuali incentione offerret Deo, dicens in mente, Propter Te' idemque faciendum aliis fuadebat.

4. Sicut autem perfectio Christiana, juxta Apost. ad Ephes. 3. consistit in quadam comprehensione Latitudinis, Longitudinis, Sublimitatis & Profundi, ita perfecta Intentio suam habet Latitudinem, Longitudinem, Profunditatem & Sublimitatem, ut videbis

mus.

Latitudo Intentionis.

Fi Omplectitur hæc totam actionem, & omnes ejus etiam minimas circumstantias, extensionem, intensionem, &c. si enim in ob'ervanda lege DEI Jota unum aut unus apex non debet præteriri, etiam in laudando Deo nec minimus apex deber præteriri, quin offeratur Deo.

2. Complectitur totum hominem ? cum omnibus potentiis & viribus, tam animi quam corporis, ita ut quis intendat laudem DEI se toto: tanta latitudine serebatur in Deum, qui dicebat Psal. 102. Benedic anima mea Domino, Gomnia, qua intra me sunt, Go. Et: omnia ossa mea dicent, Domine, qui similis tibi?

Pfal. 34.

Complectitur quintuplicem fructum, cuilibet bono operi hominis justi annexum: nempe i . fructum adorationis Glaudis, juxta Apost sup. cit. qui vult, omnia à nobis sieri in gloriam Dei. 2. fructum gratiarum actionis; est enim realis gratiarum actio, facere opera grata Deo. 3. fructum meritorium augmenti Gratice & Gloriæ; quem fructum respondere operibus hominis justi, definit Concil. Trident. Sess. 6. can. 24. & 26.

- que bonorum: est enim inter hominem justum & Deum iste quasi contractus, Facio, ut des, ex testimonio ipsius DEI, Gen. 4. Nonne si bene egeris, recipies? s. Fru-tum satisfactorium, quem respondere cuilibet operi hominis justi, colligitur ex verbis, post absolutionem Sacramentalem proferri solitis: Quidquid boni fecerit. Ge. sit tibi in remissionem peccatorum: nempe quoad reatum poenæ; reatus enim culpæremutitur per Sacramentum Poenitentiæ.
- 5. Complectitur motiva omnium virtutum, ex quibus simul sumptis

quodlibet opus fieri potest, ita ut opus illud sit imperatum ab omnibus virtutibus, perinde atque Contritio, procedens ex motivo Charitatis, est actus

imperatus charitatis.

tensionem ad omnem possibilem servotem, devotionem, amorem & desiderium majoris gloriæ Dei: fundatur hæc Latitudo in verbis Ecclesiastici, c. 43. Benedicentes Dominum, exaltate illum, quantum potestis; major est enim omni laude.

§. 11.

Longitudo Intentionis.

E la momenta totius vitæ, juxta illud:

Pfallam Deo meo, quamdiu fuero, Pfal. 145.

II. ad totam æternitatem & ultrà, fi
quid ultrà possibile foret, innuente id
Prophetà, Nos autem ambulabimus in nomine
ne Domini Dei nostri in aternum, & ultrà,
Micheæ 4. III. ad volendum faciendumque aliquid propter Deum semel
pro semper, imitando Deum, cujus verbum manet in æternum: Semel, inquit,
juravi, &c. Pfal. 88. IV. ad retractandum otnne tempus præteritum, non in
obsequio Dei transactum: sic retractabat Job diem, in qua natus est. Job.

5. III.

Profunditas Intentionis.

E Xtenditur I. ad humiliationem sui juxta mensuram propriæ vilitatis, & nihili peccatorum: in talem profun. ditatem demiserat se Psalmista, dum De profundis clamabat ad Dominum, Psal. 129. II. ad retractationem, & compensationem omnis mali, tam à se, quàm ab omni creatura commissi actus iste imperatur à virtute Poenitentiæjuxta doctrinam Theologorum. III. ad conjunctionem cum omni etiam irratio. nali creatura, omnium nomine laudando Deum, uti videre est in Cantico Trium Puerorum, & alibi, ubi etiam Draconesinvitanturad laudandum Deum, Psal. 148. IV. ad conjunctionem sui cum omnibus peccatoribus, imò etiam dæmonibus, atque omnibus damnatis, volendo supplere laudem, quæ Deo ab iis denegatur: laudabiliter fit hæc adimpletio defectuum laudis Dei, non minus qu'am laudabiliter S. Paulus adimplebat ea, que deerant l'assionum Christi, in carne sua, pro Corpore Christi, quod est Ecclesia, Coloss. 1.

S. IV.

Sublimitas Intentionis.

Levari illa debet I. ad conjunctio nem suicum omnibus Sanctis, quoad omnes eorum : sic in Canone Missa dicimus: Accepta habere digneris, sicuti accepta habere dignatus es munera pueri sui justi Abel, &c. II. ad unionem cum pretiosissima Deiparente, volendo agere instarillius, seu Mariane; Maria enim est Mater nostra, & nos filii ejus non emancipati, qui in jure unum cum Matre censentur. III. ad intimam conjunctionem cum Christo, offerendo omnia per illum, & in illo, volendoque agere Christi formiter: hoc est, quod suadet Apostolus, Omnia agere in nomine Domini Fesu, ad Coloss. 3. IV. ad aliquam velut transformationem in ipsum Deum, offerendo actiones nostras plenissimè voluntati & gustui Dei, quia nimirum eas vult, & prout vult, tanquam juge ac perpetuum sacrisicium, debitum Deo, velut omnium authori, ac Domino vitæ & necis, idque unicè propter bonum ejus, & quia est summum bonum: fundatur hæc Elevatio Intentionis in illo Psal. 33. Exaltemus nomen ejus in idipsum: & si ille juravit per semetipsum, Gen. 22. nos quoque possumus laudare illum per seipsum.

DIEI PRIMÆ MEDITATIO II.

De Fine, ad quem creatus est Homo.

De hoc S. P. N. in Medit. quam appellat Fundamentum, ita ait: Creatus est Homo ad hunc finem, ut Dominum Deum suum laudet, ac revereatur, eigs serviens tandem salvus fiat.

ORATIO PRÆPARATORIA, & PRÆLUDIUM I. ut in Medi-

tatione præced.

PRÆLUD. II. Pete à Deo gratiam cognoscendi finem Creationis tuæ, tendendi ad illum, & consequendi illum.

PUNCTUM I. Audi Deum dicentem per Prophetam, Plal. 99. 1pse fecit nos, & non ipsi nos Et per alium: Nunquid non Deus unus creavit nos? Malach.

2. Creavit te Deus originaliter de nihilo: quid enim eras, antequam eras? quoad animum, nihil eras: quoad cor-

pus, in materia prima aliquid eras, sed ante materiam primam, quid etiam quoad corpus eras? Creavit te, tot aliis possibilibus creaturis in suo nihilo relictis. Fecit te non monstrum; Fecit te nasci, non ante adventum Christi, non tempore diluvii, non inter Ethnicos, non inter Judæos, aut Hæreticos; non ex parentibus pessimis, qui te pravitate omni imbuerent; non distulit nascentiam tuam ad tempora Antichristis Item, secit te ad imaginem suam, spiritualem quoad animam, immortalem, & beatitudinis æternæ capacem, &c.

Ex his infer, Primò; Si ex nihilo es a l'a nihil originaliter es a nihil igitur tibi arroga, pro nihilo ab omnibus reputari patere, nihil tibi deberi existima. Infer 2. quantum debeas Domino DEO tuo, pro tantis productionis tuæcircumstantiis; quam sancté illi servire tenearis l'Infer 3. Si spiritualis es quoad animam, quid igitur corpori nimium condescendis, & animam parum curas? Si immortalis es, quid igitur tibi cum temporatalis es quo nævo deformari te pateris?

II. Audi Christum Dominum dicentem: Non potest arbor mala bonos siuctus facere, Matt. 7. Et considera fructus, seu proventus nihili tui. Ex parte animæ, naturales isti sunt: Ignorantia, error, primi motus anxietatis, turbationis, inconstantiæ, passionum prædominantium. Ex parte corporis, proventus naturales sunt, omnia genera morborum, & omnes modi mortis; hæc enim omnia, dum desiciunt ab aliquo esse, pertinent ad tuum nihilum, in eoque radicantur. Morales deinde proventus nihili tui sunt: inclinationes ad omnia peccata possibilia, & ipsa peccata, quæ jam commissiti, & propter quæ ad nihilum tuum redire deberes.

Ex his infer primò, debere te paratum esse ad omnia genera morborum, & mortis, juxta placitum Creatoris tui. Infer 2. propter morale nihilum tuum, nempe peccatum, deberi tibi contemptum infinitum, odium æternum, depressionem, derelictionem, oblivionem, persecutionem, & pænam omnimodam, atque ita, si quidpiam horum quandoque tibi contingat, tanquam dequandoque tibi contingat, tanquam de-

bitum tibi lubens accepta.

III. Audi DEUM dicentem: Omnem, qui invocat nomen meum, ad gloriam
meam creavi eum, 1sa. 43. Et considera,
ideo te creatum esse à Deo, ut eum laudes, reverearis, ei servias, & tandem
salvus sias, hoc est, DEUM ipsum pro
mercede laborum referas. Ideo te sactum esse Christianum, ut imiteris
Christum in omni virtute; ut utaris dignè Sacramentis ejus tibi competenti-

To

bus, &, si opus fuerit, moriaris pro Christo. Ideo te factum Religiosum, & Socium Jesu, ut servias ei ad instar Angeli in omni puritate; ut servias illi usque ad desatigationem; ut non tuam solum, sed & proximi salutem procures.

Ex his infer primò, non esse te hominem, si vita tua non est laus Dei, servitus Dei, amor Dei. Infer 2. Non esse te Christianum, si in aliquo non imitaris Christianum, si quo potes. Infer 3. Non esse te Religiosum, si vita tua non est perpetua naturæ violentia; non esse te Socium JESU, si non zelas animarum salutem; si in puritate Angelica non servis illi usque ad defatigationem. Erubesce & propone meliora.

COLLOQUIUM. Fecisti nos Domine ad Te, & inquietum est cor nostrum, donec requiescat in te. S. Aug. Ah, quomodo Creaturæ omnes tendunt ad fines, sibi à Te destinatos! quanto conatu lapis tendit ad centrum suum! quanto impetu ignis evolat ad sphæram suam! & ego non tendam, non evolabo ad Te, Deus meus? In fine Pater, & Ave.



徐徐徐徐宗·徐徐徐徐徐徐徐徐徐徐

HORA

CONSIDERATIONIS, Tempore pomeridiano diei primæ.

De Fundamentis, seu Principiis & Dictaminibus, quibus ordinarie inniti solent imperfecti, & perfecti Religiose.

I.

Dux principales sunt in hac vita mortali Scholæ: Una Christi, altera Antichristi, seu opposita Scholæ Christi. Scholam Christi erexit Trinitas Sanctissima, dum Pater novissimè nobis locutus est in Filio suo, qui est VERBUM & substantialis Sapientia, sub obumbratione Spiritus sancti in hominem propagata. Scholam Antichristi erexit Trinitas scelestissima, Diabolus, Caro, & Mundus, initiaque ejus adhuc in Paradiso sacta, dum per scientiam boni & mali affectatam homo sactus est, ut jumentum.

2. In his duabus Scholis, sicut aliæ Scientiæ & artes toto cœlo diversæ traduntur Ethicæ morum humanorum regulativæ. In Schola sua Christus procedit per æternas rationes æternæ veritatis, cum omni sanctitate & justitia connexas, ad omne solatium hominum, juxta illud: Latamini in Domino Deo vessiro, quia dedit vobis Doctorem justitia. Foel, 2. In Schola Antichristi proceditur per sallacias æternæ salsitatis ad interitum ducentes; diabolus enim in veritate non stetit, Rom. &. & non stat. Prudentia carnis mors est; Sapientia hujus mundi, sultitia est apud Deum. I. Cor. 3.

3. Ex his tam dissentientibus Scholis desumunt fundamenta, seu principia & dictamina, iisque vitam suam dirigunt imperfecti, & perfecti Religiosi. Imperfecti ex Schola & Ethica Antichristi, seu diaboli, carnis & mundi; perfecti ex Schola Christi, ut ex sequentibus di-

Chaminibus patebit.

perfectorum Religiosorum, est hoc:
Jam non sum Novitius, pridem prætextam exui; habeo ego meum Deuteronomium; non indigeo pædagogo, &c. Hoc dictamen pertiner ad Belial; qui significat idem, quod sine jugo, proindeque desumitur ex Ethica diaboli. Non es, Religiose, jam amplius Novitius, sed es inveteratus malorum: Exuisti prætextam, sed non induisti Christum: Habes Deuteronomium tuum, sed non

DEI & Christi: Non indiges pædagogo, quia Magistrum non agnoscis Christum: Non es Novitius ad nuncupanda vota, sed esse debes semper Novitius ad persectionem: Non annos DEUS comPoet a add due to call at

EAL BEEF

putat, sed animum.

22

Oppositum huic dictamen habent perfecti Religiosi, dum aiunt: Geram me, ut primæ diei Novitium: desumuntque dictamen hoc ex Ethica Christi, quam non ignoravit servus DEI David, credens in Christum venturum, dum dixit: Nunc cœpi Psal. 76. Idem dictamen instillabat discipulis Christi & suis, S. Antonius Abbas, ante mortem ita eos alloquens: Admoneo vos, ô viscera mea, ne tanti temporis laborem repente perdatis, hodie vos religiosum studium arripuisse arbitrabimini. Sis erzo, Religiose, veteranus, sicut S. Petrus, ut te cingat alius, & eas quò non vis, sicut cinctus est, postquam senuit Petrus. Sis veteranus forcitudine, multa agendo & patiendo pro Deo. Item, sis Novitius exactà observantià omnis religiositatis, modestià, teneritudine conscientiæ, & æstimatione ommium, tanquam Superiorum, tolerantiaque correctionis, & disciplinæ religiolæ.

Secundum Dictamen imperfectorum Religiosorum est: Licet aliis, cur non mihi? Etiam alii sub eadem regula viventes habent intellectum, doctrinam, ac probitatem, & tamen aliter sentiunt, & aliter procedunt. Dictamen hoc ab exemplo, est simile illi pronuntiato Phariseorum, contra Christum pugnantium, Joan 7. Nunquid ex Principibus ali quis credit in eum, aut ex Pharisais? quasi

dicerent; tot alii docti & probi non sequuntur Christum hunc, & nos sequemur? Pharisaicum ergo hoc dictamen est, si est contra regulam religionis, proindeque ad Scholam Antichristi spectans.

Opponunt illi aliud boni Religiosi ex ore ipfius Christi desumptum: Quid ad te? tu me sequere. Attende tibi & regulæ. Non venisti imitari homines quoicunque, sed Christum: Judicium de aliis relinque Deo, & fac, quod facere teneris.

Tertium Dictamen imperfectorum Religiosorum: Regulæ me non obligant sub peccato; hoc est consilii, non præcepti. Et hoc dictamen in Schola diaboli natum est: eo enim admisso, etiam slorentissimæ Religiones corruunt, sublata observantia regularum, per quam flo-

rebant, & subsistebant.

Bonis Religiofis aliud in corde simulque in ore est, nempe hoc: dignus est Deus, ut observem etiam non obligantia sub peccato. Ad Christum, Christique Scholam pertinet dictamen hoc, urpote calestibus incolis usitatum, prout testatur S. Joannes Apoc. 4. Dignus es, Domine Deus noster, accipere gloriam, & honorem, & virtutem. Et certé non decet, Religiosum esse plebeium Dei servum, metu solo ab iis tantum abstinentem, quibus adnexa est Inserni, aut

Purgatorii pæna.

Quartum Distamen imperfectorum: concedendum aliquid tempori; remittendum aliquid de rigore & severitate; rigor iste obest valetudine; arcus semper tensus facile rumpitur. Cujus Scholæ sit dictamen hoc, colligitur primo ex dictis impiorum sap. 2. Exiguum, comm tadio est tempus vita nostra, coc. Venite ergo, & sivuamur bonis, coc. Non pratereat nos stos temporis. Colligitur deinde ex eo, quia sub pallio necessaria valetudinis, commoditates carnis & superfluentias suadet; spectat igitur ad magisterium carnis, adeoque ad Scholam Antichristi.

Non sic boni Religiosi, qui sibi occimunt illud Angelicum, Apoc. 20 Tempus
mon erit amplius: Momentum, ex quo
pendet æternitas; Nondum ad sanguimem restiti; Nemo mittens manum
suam ad aratrum, & respiciens retrò,
aptus est regno Dei; Non decet sub Spinoso Capite membrum esse delicatum;
Non prodest corpori, quod nocet ani-

mæ.

Habent & alia imperfecti Religion dicta-

Hora Considerationis. 25 dictamina sua, Ethicam moribus Christi contrariam redolentia, qualia sunt: jus naturæ ad hoc habeo; non hoc requirit Justitia distributiva; solus ego videor, & notor; suturis est prospiciendum; singularitates sunt istæ, & exo-

ticismi; sic sies exoticus, nec promoveberis; minor inde erit gloria DEI, si inferioribus posthabearis, habenda est

ratio famæ propriæ. Hæc omnia sunt fallaciæ diaboli, finem vanitatis, com-

moditatis, propriæque excellentiæ spectantes, proindeque è Schola Christi

eliminandæ.

418

[m

1-

11

t-

]=

04

ò

at

m i-

114

Ms.

10

11-

m

ò,

11-

os

a

Opponunt illis boni Religiosi has veritates: Religio est perpetua naturæ violentia; Servus inutilis sum: ego & asinus pares sumus; solæ paleæ mihi debentur, & verbera; DEUS regit mundum, non mihi frangam caput, ipsi est cura de nobis; si hominibus placerem, servus Christi non essem; hæc est gloria Dei, consusio mea; Christus in infami stipite pendet, & ego samam quæram?

Ex hac antithesi dictaminum collige, Religiose, cujus Scholæ discipulus sis, & si aliqua principia non ex Schola Christi hausisti, in his Exercitiis ejura illa, & sola dictamina Magistri tui Christi

sequere, & exsequere,

:紫紫紫紫紫紫紫紫紫紫紫紫紫紫紫紫

DIEI PRIMÆ MEDITATIO III.

De Mediis ad obtinendum Finem homini à Deo ordinatis.

Verba S. P. N. I. c. sunt: Reliqua verò, supra terram sita, creata sunt hominis ipsius causa, ut eum ad finem creationis suc juvent.

ORATIO PREPARATORIA, & PRELUDIUM I. ut suprà.

PRÆLUDIUM II. Pete à Deo gratiam, cognoscendi, & usurpandi media, ordinata tibi à DEO ad salu-

PUNCTUM I. Audi Deum dicentem per S. Paulum, ad Rom. 8 Omnis creatura ingemiscit, & pariurit usque adhuc. Et considera, omnem creaturam datam tibi esse à DEO, tanquam medium ad salutem, ingemiscere que, & parturientis instar clamare, ut tendas ad Deum. Eccie Deus in oculis tuis tot gradus

creaturarum, ut per eos ascendas ad illum: extendit tam pulchrum coelum, ut ex eo, & in eo appetas pulchritudinem Dei, & detesteris deformitatem tuam: lucent tibi planette, lucent stellæ, ut appetas lucem Dei, & horreas tenebras tuas: terra tibi tot fructus parit, ut fructifices Deo, eumque pro æterno fructu referas : dedit tibi teipsum, ut perdas te propter Deum, & lucreris illum: dedit tibi corpus, ut illud mortificans vivifices, & in Deo veram nanciscaris vitam: dedit animam, ut sapias ea, quæ sunt Spiritûs Dei: dedit tot potentias animæ, ut per earum usum introeas in potentias Domini. Et quando tandem toto corde, & te toto contendes ad Deum? Tot illicia ad serviendum Deo habes, quot motus cœlorum, & quot motus potentiarum tuarum; utere illis, ut fruaris æternum Deo.

II. Audi Deum Patrem dicentem, 2. Petri r. Hic est Filius meus dilectus, in quo mihi complacui, ipsum audite. Hoc est, 6 homo, medium salutis tuæ præcipuum est Mediator verus Christus Jesus; ille est Via, Veritas, & Vita; dum illum tibi donavi, nihil tibi negavi: habes in eo thesauros omnes gratiæ, doctrinæ, exempli, omnis perfectionis, Sacramentorum, meritorum: si esuris, cibus tuus est; si sitis, potus tuus est;

fi infirmaris, pharmacum est, si mortuus es, vita vivisicans est. Ex his infer, magnam fore tuam damnationem, si hoc tanto ad salutem medio non fueris usus, vel non, ut par est, sueris usus. Vide, quomodo usus sis gratiis ejus, exemplo, Sacramentis, passione, morteque ejus, & quomodo deinceps hæc omnia in salutem tibi convertere debeas.

III. Audi Christum Dominum dicentem, Ecce Mater tua, Joan. 10. Ecce pretiosissima Mater mea est mediatrix, & advocata tua, mediumque post me salutis tuæ; ordinavi enim, ut nemo salvetur, nisi mediante illa, omniaque te volui habere per illam. Cum adhuc esses parvulus, injeci tibi affectum ad hanc Matrem, & feci eum in te crescere, cum quo omnia bona statim in te succreverunt: fovit te ista Mater, etsi immorigerum, contexit, etsi foedum; iras meas à te avertit, pericula amovit, gratias efficaces impetravit; propter illam mirè direxi cor tuum ; regebam te, servabam te, subtrahebam occasiones, tentatori non permittebam tantum, quantum volebat; dulcedines mundi amarulentas reddebam; tandem te vocavi, & adduxiad me propter MARIAM. Infer ergo, quantum Mariæ debeas! erumpe in omnimodos affectus; exardesce quoque in amorem DEI propter MARIAM.

Collequium: Ergone, mi JESU, non serviam tibi, qui non solum in tot creaturis, sed etiam in tua persona, & in pretiosissima Parente tua deservivisti, & deservis mihi? O! si est vel unica in me substantiæ particula, quæ non tendit in obsequium, laudem & amorem tui, erue illam! malo totus non esse, quàm non totus servire, laudare, & amare te. In sine, Pater, Ave, & Anima Christi, &c.



DIES SECUNDA

· Verbo Incarnato consecranda.

Oratio jaculatoria hujus diei erit ista: Domine, etsi ego commissi, unde me damnare potes; tu non amissti, unde salvare soles.

Ex S. Aug. Medit. tap. 39.

MEDITATIO I.

De formidanda gravitate & mensura peccatorum mortalium.

Considerationem istam suadet S. P. N. Medit. 1. Hebd 1. punct. 3. Memoria